

人或水軍皆得參選焉此由於軍籍之新制也在立法之初雖不可毀其成憲然得參試選者皆業儒者也以業文之儒編於行伍豈不為明時之大欠乎 大明高皇帝時有一儒生編

於軍卒有司請令赴行陣 高皇帝曰得一儒士而失一軍卒

何害即令解伍 高皇帝時去古遠矣而尚有如此之政此後

王所當法也今各官豈無一箇遺丁而以此業文之儒為卒伍

乎若以餘丁充其數而抄除入格之儒生則豈不使下人有所

觀感而 聖上右文之意益著矣 上曰今時學校廢弛文風

不振皆予勸獎之道不盡其方也今者正兵水軍參選者皆為

儒者也啟意至當自上亦知其意以新法之立未敢輕毀然此

人之外豈無餘丁參選之人宜可刷除而以他丁充之

辛亥 上御夜對○申時太白見於未地夜如火氣西方電光

壬子 上御晝講

癸丑 上御晝夕講○以洪彥弼金安國配享 仁廟初朝議

不一 上令二品以上會議定之 彥弼官至領議政議恭待下略無倨傲之氣衆議以其原